

UNIVERZITET U TUZLI
Broj: 01-146-JN-11/23
Tuzla, 15.01.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-146-JN-10/23 od 11.01.2024. godine, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove, donio je

O D L U K U O IZBORU NAJPOVOLJNIJEG PONUĐAČA

I

U okončanom postupku javne nabavke pokrenute putem Konkurentskog zahtjeva za dostavu ponuda za nabavku HTZ oprema za radnike Univerziteta u Tuzli, izabran je ponuđač „ALBO“ d.o.o. Banja Luka, sa ponudenom cijenom od 14.410,00 KM bez PDV-a, odnosno 16.859,70 KM sa PDV-om, te se istom dodjeljuje ugovor o javnoj nabavci roba.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

III

Ponuđač iz tačke I ove Odluke je u ponudi uz Izjavu o ispunjenosti uslova iz člana 45. stav (2) tačka a) do d) Zakona o javnim nabavkama BiH dostavio dokaze/uvjerenja kojima je potvrdio vjerodostojnost date izjave, te nema obavezu ponovnog dostavljanja istih.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke HTZ opreme za radnike Univerziteta u Tuzli za izbornajpovoljnijeg ponuđača putem Konkurentskog zahtjeva za dostavljanje ponuda broj: 01-146-JN-2/23 od 16.10.2023. godine, objavljenog na Portalu javnih nabavki obavještenje broj: 795-7-1-101-3-129/23 od 10.11.2023. godine, a sažetak obavještenja o nabavci u „Službenim novinama BiH” broj: 79/23 od 17.11.2023. godine, te WEB stranici Univerziteta.

U roku utvrđenom obavještenjem i tenderskom dokumentacijom blagovremeno su dostavljene četiri (4) ponude i to ponude ponuđača: „6 NOVEMBAR“ d.o.o. Zvornik, „INTER-COM“ d.o.o. Zenica, „RM Company“ d.o.o. Zenica i „ALBO“ d.o.o. BanjaLuka.

Komisija za javne nabavke je uvidom u ponudu ponuđača „6 NOVEMBAR“ d.o.o. Zvornik utvrdila da ponuđač nije dostavio katalog u skladu sa traženim opisom iz Tenderske dokumentacije. U Tenderskoj dokumentaciji za dokazivanje Tehničke i profesionalne sposobnosti pod tačkom 3.4.2. a) je traženo da su ponuđači dužni dostaviti: „Katalog ponuđene opreme u kojem će se tačno vidjeti o kojoj ponuđenoj HTZ opremi je riječ i da li ista zadovoljava traženi opis (sastav materijala, vrstu materijala i sl.). Naznačena oprema u katalogu treba biti u skladu sa ponudenom HTZ opremom iz Obraseca za cijenu ponude u protivnom ponuda se neće dalje razmatrati. Navedeni Katalog može biti i kopija, ali obavezno ovjerena potpisom i pečatom Ponuđača“. Naime, ponuđač je na stranama 22, 23 i 24 svoje ponude dostavio samo fotografije tražene opreme kao „katalog“ ponuđene opreme, ali nigdje nije naveo opis te opreme (sastav materijala, vrstu materijala i sl.) kao ni šifru artikala, kako bi se moglo utvrditi da li ponuđena oprema

odgovara traženoj opremi odnosno traženom opisu iz Specifikacije opreme koji je detaljno naveden u Obrascu za cijenu ponude.

Komisija za javne nabavke je ponudu ovog ponuđača ocijenila neprihvatljivom i kao takva nije išla u dalju proceduru.

Daljim pregledom ponuda Komisija za javne nabavke konstatovala je da ponuđač „**INTER-COM**“ d.o.o. **Zenica** nije dostavio ponudu u skladu sa traženim opisom artikla iz Obrasca za cijenu ponude u kojem je detaljno naveden opis za svaku stavku i to za sljedeće stavke:

- za stavku pod rednim brojem 9. iz Obrasca za cijenu ponude „Cipele muške“ je tražen opis artikla „*Zaštitne plitke cipele od tekstila sa čeličnom kapom, sa microfibre postavom koja je tretirana protiv mikroba i bakterija i koja ima superiornu kontrolu vlažnosti, udobnost i otpornost na abraziju. Dvoslojni PU/PU don, protivklizni, antistatik, otporan na ulja i naftu, apsorber energije u oblasti pete. EN ISO 20345*“, a ponuđač je na strani 39 i 40 svoje ponude u katalogu ponudio kožnu mušku plitku cipelu BETA 6211 S1 SRC šifre: OB-P1219 sa čeličnom kapom, koja ne odgovara traženom opisu, jer tražena cipela je od tekstila, a ne od kože;
- za stavku pod rednim brojem 8 „Cipele muške/ženske“ iz Obrasca za cijenu ponude u opisu artikla traženo je da cipele moraju imati svojstva u skladu sa standardom EN ISO 20347. Ponuđač je na strani 37 i 38 ponudio cipelu šifre: OB-CFR78611 sa opisom, ali nema podatak da su cipele obuhvaćene ovim standardom EN ISO 20347, odnosno da ponudeni artikal zadovoljava traženi standard;
- za stavku pod rednim brojem 7. iz Obrasca za cijenu ponude „Majica sa kragom (polo) muške/ženske“ između ostalog traženo je da su majice veličine od S-5XL, međutim ponuđač je na strani 35 i 36 svoje ponude u katalogu ponudio majice u veličini od S-3XL što nije u skladu sa traženim opisom iz Specifikacije i postavljenim uslovom iz tenderske dokumentacije.

Obzirom da ponudeni artikli iz kataloga proizvoda nisu u skladu sa traženim opisom iz Obrasca za cijenu ponude Komisija za javne nabavke je ponudu ponuđača „**INTER-COM**“ d.o.o. **Zenica** ocijenila neprihvatljivom.

Nadalje, Komisija za javne nabavke konstatovala je Zapisnikom da ponuda ponuđača „**RM Company**“ d.o.o. **Zenica** nije u skladu sa tenderskom dokumentacijom.

Naime, ugovorni organ je u tački 3.1.2. Tenderske dokumentacije propisao sljedeće: *“Ponuđač, u svrhu dokaza o ispunjavanju prethodnih uslova lične sposobnosti (član 45. stav (1), tačke od a) do d) Zakona), dužan je, u ponudi, dostaviti izjavu ovjerenu kod nadležnog organa (sud, notar ili općina), u formi i na način koji propisuje Agencija za javne nabavke. Obrazac Izjave o ispunjenosti uslova iz člana 45. stav (1) tač. a) do d) Zakona, je sastavni dio ove tenderske dokumentacije.”*

Ponuđač je dostavio Izjavu iz člana 45 ZJNBiH na strani 5 ponude koja je popunjena na obrascu koji nije sastavni dio ove Tenderske dokumentacije. Dakle, obrazac Izjave iz člana 45. Zakona čini sastavni dio Tenderske dokumentacije i Izjavu kao takvu je trebalo popuniti, ovjeriti i dostaviti na propisanom obrascu, što ponuđač nije učinio.

Nadalje, ponuđač je dostavio Izjavu iz člana 52 ZJNBiH na strani 21 ponude koja je popunjena na obrascu koji nije sastavni dio ove Tenderske dokumentacije.

Naime, u tački 5.8. Tenderske dokumentacije je navedeno sljedeće: *“U skladu sa članom 52. stav (10) Zakona svaki ponuđač dužan je u ponudi dostaviti i posebnu pisanu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci. Izjava mora biti ovjerena kod nadležnog organa (sud, notar, opština). Ukoliko ponuđač ne dostavi navedenu Izjavu ponuda će biti odbačena. Obrazac navedene Izjave je dat u prilogu ove tenderske dokumentacije i čini njen sastavni dio”.*

Dakle, obrazac Izjave iz člana 52. čini sastavni dio Tenderske dokumentacije te je Izjavu kao takvu trebalo popuniti, ovjeriti i dostaviti na propisanom obrascu, što ponuđač nije učinio.

Daljim pregledom ponude utvrđeno je sljedeće:

- za stavku pod rednim brojem 6. iz Obrasca za cijenu ponude „Majica muške/ženske“ traženo je da veličina majica bude u rasponu od broja S do broja 5XL, međutim ponuđač je na strani 25 svoje ponude u katalogu proizvoda ponudio majice u veličini od S-3XL što nije u skladu sa traženim opisom iz Specifikacije i postavljenim uslovom iz tenderske dokumentacije.

- za stavku pod rednim brojem 7. iz Obrasca za cijenu ponude „Majica sa kragnom (polo) muške/ženske“ pored ostalog opisa traženo je da su majice veličine od S-5XL, međutim ponuđač je na strani 25 svoje ponude u katalogu ponudio majice u veličini od S-3XL što nije u skladu sa traženim opisom iz Specifikacije i postavljenim uslovom iz tenderske dokumentacije.
- stavkom pod rednim brojem 11. Iz Obrasca za cijenu ponude je traženo „Odijelo za vozača“, a na strani 29, 30 i 31 svoje ponude ponuđač je u katalogu ponudio službenu odjeću za konobare (hlače, sako i bijelu košulju) što nije traženo navedenom stavkom iz Obrasca.

U skladu sa prethodno nevedenim ponuda ponuđača „RM Company“ d.o.o. Zenica ocijenjena je kao nepravilna i neprihvatljiva.

Komisija za javne nabavke konstatovala je da ponuda ponuđača „ALBO“ d.o.o. Banja Luka sadrži sve dokumente kojima se dokazuje ispunjenost uslova za kvalifikaciju u pogledu lične, tehničke i profesionalne sposobnosti i druge dokumente zahtijevane tenderskom dokumentacijom zbog čega je ponuda ocijenjena prihvatljivom, a ponuđač ocijenjen kvalifikovanim za dobro obavljanje posla.

Obzirom da je pristigla samo jedna prihvatljiva ponuda, e-aukcija nije zakazana.

Budući da je ponuda ponuđača „ALBO“ d.o.o. Banja Luka sačinjena u skladu sa uslovima i zahtjevima utvrđenim u Tenderskoj dokumentaciji i da je cijena ponude prihvatljiva za Ugovorni organ, Komisija za javne nabavke predložila je da se navedenom ponuđaču dodijeli ugovor o javnoj nabavci.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći rektorice Univerziteta u Tuzli, v.d. Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od pet (5) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
Broj:01-146-JN-10/23 od 11.01.2024. godine

v.d. DIREKTOR

ZA EKONOMSKE POSLOVE

Dr.sc. Azira Osmanović, dipl.oec



DOSTAVITI:
1x učesnicima
1x WEB portal
1x a/a